



**Comhairle Contae  
Dhún na nGall**  
Donegal County Council

# **Maoirseoir Seirbhís Bóithre**

## **Meitheamh 2024**

## **Eolas d'Iarratasóirí**

## **1. An Post**

Tá an Chomhairle ar lorg iarratas ó iarratasóirí a bhfuil na cailíochtaí cuí agus an taithí ábhartha acu do phost an Mhaoirseora Seirbhís Bóithre.

Tá sé beartaithe cúig phainéal Cheantar Bardasaigh ar leith d'iarratasóirí cáilithe a bunú óna líonfar folúntas ar bith a bheadh ann le linn saolré na bpainéal seo.

- Ceantar Bardasach Dhún na nGall
- Ceantar Bardasach na nGleanntach
- Ceantar Bardasach Inis Eoghain
- Ceantar Bardasach Leitir Ceanainn
- Ceantar Bardasach Shrath an Urláir

Tá cead ag iarratasóirí suas le 3 Cheantar Bardasach a roghnú a mbeidh siad toilteanach taisteal chucu, dá mbeadh folúntas ann.

Tuairisceoidh na daoine a cheapfar don Innealtóir Ceantair nó do dhuine cuí eile mar a shocróidh an Chomhairle ó am go chéile.

## **2. Dualgais**

Tá liosta, nach bhfuil iomlán, de na dualgais thíos:

### **Bundualgais:**

- Oibreacha a eagrú agus a chlárú (lena n-áirítear baill foirne, gléasra agus ábhair a mhaoirsiú) faoi choinne obair chothabhála agus tionscadail úra tógála.
- A chinntiú go bhfeidhmítear polasaithe reatha Sábháilteachta, Sláinte agus Folláine na Comhairle.
- Cuidiú le hathbhreithniú ar an bhail atá ar bhóithre agus tosaíochtaí a aontú le baill foirne chuí.
- Idirchaidreamh le Comhairleoirí, le hionadaithe grúpaí pobail, soláthraithe, conraitheoirí srl.
- Tuairisciú ar ghearáin lena chur ar chumas a b(h)ainisteora an gá la hobair feabhsúcháin agus chothabhála a mheas ar chodanna difriúla den ghréasán.
- Cuidiú le hullmhú meastacháin costais, lena n-áirítear tascanna ar nós tomhas fad, leithead bóithre srl. a dhéanamh.
- Buiséid tionscadail a shanntar dó/di a mhonatóiriú agus a rialú.
- Taifid a ullmhú lena n-áirítear bileoga ama, bileoga pá srl.

### **Dualgais eile:**

- A bheith ar fáil mar chuid de chórais ghlaio na Comhairle.
- Cúrsaí pleanála bóithre a iniúchadh agus tuairisciú orthu.
- Cuidiú le leagan amach.

- Conraitheoirí a oibríonn don Chomhairle a eagrú agus a mhaoirsiú.
- Cuidiú le hullmhú tuairiscí míosúla caiteachais.
- Fianaise a thabhairt mar chuid de chásanna dlí a bhfuil baint ag an Chomhairle leo.
- Na dualgais thuas (nó a leithéid) a fheidhmiú faoi choinne réimsí feidhmiúla den Chomhairle de réir mar a shanntar iad.

### **3. Cáilíochtaí**

#### **(a) Carachtar:**

Beidh dea-charachtar ag na hIarratasóirí.

#### **(b) Sláinte**

Beidh sláinte ag iarratasóirí a thabharfadh le fios go bhfuil siad ábalta seirbhís rialta, éifeachtach a chur ar fáil. Iarrfar ar na daoine a cheapfar dul faoi scrúdú leighis arna dhéanamh ag Dochtúir Sláinte Cheirde na Comhairle roimh cheapadh.

#### **(c) Oideachas, Taithí**

Ar dháta deiridh chur isteach na bhfoirmeacha iarratais, caithfidh an méid thíos a bheith ag iarratasóirí:

- Caighdeán maith Oideachais;
- Ceadúnas Tiomána iomlán, glan d'fheithiclí Chatagóir B agus a c(h)arr féin;
- Taithí roimhe seo ar:
  - Cothabháil agus Tógáil Tionscadail Bóithre,
  - Bainistiú Conraitheoirí,
  - Maoirsiú fostaithe,
  - Plé leis an phobal i gcoitinne,
  - Sábháilteacht, Sláinte agus Folláine,
  - Buiséadú / Rialú Costais.
- Eolas maith agus taithí roimhe seo ar chothabháil bóithre agus tógáil tionscadail bóithre.
- A bheith ábalta scileanna eagrúcháin agus ceannaireachta a léiriú agus ábalta a bheith ag obair ar a c(h)onlán féin.

#### **(d) Riachtanais inmhianaithe:**

B'inmhianaithe, cé nach riachtanach, an méid seo a leanas:-

- Ba bhuntáiste iad cáilíochtaí teicniúla.
- Ba bhuntáiste é buneolas maith ar ríomhairí agus bogearraí bainteacha.

#### **4. Mionsonraí an Phoist**

##### **(a) Ginearálta**

Tá sé beartaithe ag Comhairle Contae Dhún na nGall painéal d'iarratasóirí cáilithe a chruthú don phost *Maoirseoir Seirbhís Bóithre*.

##### **(b) Promhadh**

Beidh na hiarratasóirí a cheapfar ar promhadh ar feadh tréimhse thosaigh, a shocróidh an Chomhairle.

##### **(c) Luach Saothair**

Is é an páscála reatha náisiúnta seachtainiúil: íosmhéid €858.95 go huasmhéid €1015.03 (ar aon dul le EL 01/2024).

Íocfar na daoine a cheapfar ag an phointe chúí ar an scála tuarastail ar aon dul le Ciorclán bainteach na Roinne.

Tosóidh iontrálaithe úra ag an íospointe ar an scála.

##### **(d) Bunáit**

Is í an Chomhairle a shocróidh bunáit an phoist agus beidh sí ag brath ar cibé ceantar ina sannfar na daoine a cheapfar.

##### **(e) Cónaí**

Beidh na daoine a cheapfar ina gcónaí sa cheantar ina mbeidh na dualgais le feidhmiú nó faoi fhad réasúnta de.

##### **(f) Uaireanta Oibre**

39 uair an chlog sa tseachtain na gnáthuaireanta oibre a bheidh ag an té a cheapfar. Coinníonn an Chomhairle an ceart na huaireanta oibre a athrú ó am go chéile.

Beidh ar an Mhaoirseoir Seirbhís Bóithre socruithe a dhéanamh le bheith ag obair ar bhonn róta ar glaoch agus a bheith ag obair taobh amuigh d'uaireanta oibre, saoire phoiblí san áireamh.

### **(g) Riachtanas Tiomána**

Beidh ar Iarratasóirí:

- a. Ceadúnas Tiomána chatagóir B iomlán a bheith acu.
- b. A bhfeithicil féin a bheith acu lena úsáid le linn a gcuid dualgas agus is le líuntais chúí a chlúdófar na costais bhainteacha.
- c. D'fhéadfadh sé, ó am go chéile, go mbeadh ar na daoine a cheapfar feithicil a thiomáint a chuireann Comhairle Contae Dhún na nGall ar fáil agus iad i mbun na ndualgas a shannann an Chomhairle.

### **(h) Coinbhleachtaí Leasa**

Ní ghabhfaidh sealbhóir an phoist d'aon slí bheatha shochrach, seachas mar fhostaí de chuid údarás áitiúil, a mhéid a dhéanfaidh dochar do chomhlíonadh a dhualgas nó a dualgas mar fhostaí d'údarás áitiúil nó d'aon slí bheatha a d'fhéadfadh a bheith ar neamhréir le leasanna an údaráis áitiúil nó a d'fhéadfadh a bheith ar neamhréir le comhlíonadh a dhualgas mar fhostaí de chuid údaráis áitiúil.

## **5. Próiseas Earcaíochta**

### **A. Foirm Iarratais**

- Caithfear iarratais a chur isteach ar an fhoirm iarratais oifigiúil agus caithfear gach cuid den fhoirm a chomhlánú.
- Ná cuir CV isteach le d'iarratas. Ní bhreithneofar ach faisnéis ar an fhoirm iarratais, nuair a bheidh oiriúnacht iarratasóra maidir leis an phost á meas.
- Caithfear iarratais a chur isteach mar iatán rphoist amháin i bhformáid Word nó PDF chuig [vacancies@donegalcoco.ie](mailto:vacancies@donegalcoco.ie)
- Caithfidh iarratais a bheith faighte againn faoin spriocdháta a shainítear ar an fhoirm.

### **B. Gearrliostú**

Is féidir iarratasóirí a ghearrliostú faoi choinne agallaimh ar bhonn an eolais a chuirtear ar fáil. Sa chás go mbeidh gá le beart gearrliostaithe, tionólfar Painéal saineolaithe leis na

foirmeacha iarratais a scrúdú agus a mheas de réir critéir réamhshocraithe, bunaithe ar riachtanais an phoist. Mar sin de, bheadh sé le do leas cuntas mion, beacht a thabhairt ar do cháilíochtaí agus do thaithí ar an fhoirm iarratais.

Má mheastar, mar gheall ar líon agus caighdeán na n-iarratas a gheofar, gur réasúnach gan gach iarratasóir a chur faoi agallamh, ní ghlaofar chun agallaimh ach daoine ar dócha go ngnóthódh siad caighdeán ar leor é chun iad a roghnú agus a mholadh faoi choinne ceapacháin.

### **C. Ceart ar Fhaisnéis agus Athbhreithniú**

Tá an Chomhairle tiomanta d'aiseolas agus faisnéis a thabhairt d'iarratasóirí. Iarratasóir ar bith ar mian leo, féadann sé/sí a iarraidh go n-athbhreithneofar an cinneadh nó an próiseas. Caithfear a leithéid d'iarratas a chur isteach i scríbhinn, ag cur in iúl na cúise atá leis an iarratas agus caithfear é seo a chur faoi bhráid na Rannóige Acmhainní Daonna, Ionad na dTrí Abhainn, Leifear, Co. Dhún na nGall faoi cheann cúig lá ó dháta fógartha cinneadh ábhartha.

### **D. Rúndacht**

Faoi réir fhorálacha an Achta um Shaoráil Faisnéise 2014, is faoi rúndacht dhocht a phléifear le hiarratais.

### **E. Eile**

Tá ceapacháin na Comhairle faoi réir seiceálacha sásúla maidir le teistiméireachtaí, cáilíochtaí, scrúduithe leighis agus Grinnscrúdú Garda, mar is infheidhme.

### **F. Cúis Dícháilithe an Chanbhasáil**

Dícháileofar ón phost láithreach iarratasóir ar bith a dhéanann iarracht (nó a ndéanann duine iarracht ar a s[h]on) oifigeach de chuid na Comhairle (nó duine a ainmníonn sí le hagallamh a chur ar iarratasóirí nó iad a scrúdú) a chanbhasáil nó tionchar a imirt air/uirthi ar son an iarratasóra, go díreach nó go hindíreach, bíodh sé i bhfoirm cumarsáid scríofa nó eile.

### **G. An Rialachán Ginearálta maidir le Cosaint Sonraí**

Tá Comhairle Contae Dhún na nGall meáite ar do chuid sonraí pearsanta a chosaint agus comhlíonaimid ár gcuid oibleagáidí faoi na hAchtanna um Chosaint Sonraí, 1988 – 2018, agus faoin Rialachán Ginearálta maidir le Cosaint Sonraí.

- An Bunús ar a bPróiseáiltear do chuid Sonraí Pearsanta

Is é an bunús ar a bpróiseáiltear do chuid sonraí pearsanta ná d'fhonn d'iarratas ar an phost dár chuir tú isteach air le Comhairle Contae Dhún na nGall a phróiseáil faoi Théarmaí Acht

Fostaíochta (Faisnéis) 1994 agus polasaithe agus gnáthaimh na Rannóige Acmhainní Daonna.

Nuair a fhaighimid d'fhoirm iarratais, cruthaímid taifead ríomhaire faoi d'ainm, ina mbíonn go leor de na sonraí pearsanta a chuir tú ar fáil ar d'fhoirm iarratais.

Ní úsáidtear an taifead pearsanta seo ach amháin chun d'iarratas a phróiseáil. Tá tú i dteideal, in am ar bith, cóip den fhaisnéis faoi dtaobh díot féin, atá á coinneáil ar taifead againn, a fháil.

- Comhroinnt na Faisnéise

Taobh amuigh den fhoireann earcaíochta iomchuí, ní dhéanfar na sonraí ar d'fhoirm iarratais a chomhroinnt ach d'fhonn an comórtas ar chuir tú isteach air a chur chun cinn in éineacht le Bord gearrliostaithe agus/nó agallaimh ainmnithe.

Más amhlaidh, i ndiaidh an chomórtais, go gcuirtear ar Phainéal thú agus go dtairgtear post duit, beidh na sonraí a chuir tú ar fáil i d'fhoirm iarratais mar chuid den Chomhad Pearsanra s'agat.

De bhreis air sin, sa chás go dtairgfí post duit agus go ndearbhófá ina dhiaidh sin gur spéis leat an post, bainfear úsáid as na sonraí ar d'fhoirm iarratais d'fhonn taifid seirbhíse agus teistiméireacht fostaíochta a iarraidh.

- Tréimhse Stórála

Coinneofar d'iarratas go ceann dhá bhliain ó dháta bunaithe an phainéil don phost seo.

Déanfar iarratais nach gcuirfead ar aghaidh chuig céim an agallaimh a scríosadh i ndiaidh an chomórtais.

Is féidir teacht ar Ráiteas Príobháideachta Chomhairle Contae Dhún na nGall ag:

[www.donegalcoco.ie](http://www.donegalcoco.ie)